

(Нег үүлдвртä сцен).

Орлицж бääх улснь: Гардач.
Залу.
Гергн.

Тодлвр үг: Гардач болн залу
нег күн наадж чадхмн.

ГАРДАЧ: Тадн келнät — гергд гидж, залус гидж. Гергд бääхиг, залус бääхиг тадн чикär меджит. Болв тер бийнь, зүсн-зүүл гергд, зүсн-зүүл залус бääхиг медх кергтä.

Бидн ода танд нег сән залу үзүлхär седжәнävдн. Тер ягьдж гергнлэггән күүнддгинь тадн соньстн.

ЗАЛУ: (шотк цокн) Катерина! Нанд цä өг — негн. Шикр өг — хойр, өдмг өг — гурвн, бал өг — дөрвн. (эднән келх болгъндан шоткан цокад бääнä).

ГЕРГН: Хäläггäд бääхнь, чик удан суухар седжäh бääдлтäч. Гиичд ирсн кевтä. Кен огородт одж кöдлхмби?

ЗАЛУ: Огородт чи одж кöдлхмч — негн, дакад — чи — хойр. Дакад нег дакдж чи — гурвн. Бас нег дакдж чи — дөрвн (шоткан цокна).

ГЕРГН: Чи гемтävчи? Колхозин огородт кöдлдж чадшговч?

ЗАЛУ: Би чиирг залув — негн, би нег дакдж чигн, хойр дакдж чигн, гурв дакдж чигн, дөрв дакдж чигн огородт одж кöдлшгов (шоткан цокна).

ГЕРГН: Юнъгад?

ЗАЛУ: Мана танъгъчд ик кергтä улс кемб? Танъгъчин күүцäгч комитетин ахлач — негн. Района күүцäгч комитетин ахлач — хойр. Колхозин ахлач — гурвн. Би — кладовщик — дөрвн. (шоткан цокна). Мини гарт цуг өлг-эд бääнä.

ГЕРГН: Кладовойдчи күшлäs онъгдан юмн уга — чини өлг-эдчнь тер.

ЗАЛУ: Худл! Амд юмнд мини керг уга. Намаг кеним чи

медх зöвтäч. Чи, кенлä күүндджähән мед.
Би кладовщикв!

ГЕРГН: Гäйгä гидг кладовщиквчи. Чиирг залу, кеер, огородт кöдлхин орчд гертән цä ууггäд сууна.

ЗАЛУ: Чи ягьджахмч — кладовщикин өмнäs хärүцäд бääх? Социалистическ өлг-эд хархд дурго болджанчи. А?

ГЕРГН: Би чамла äдл кладовщикүдт дургов — негн. (Шотк цокна). Чини кöдлмшин захан медрлтä күүкд кедж чадхмн — хойр. Дакдж чамла күүндäд керг уга — гурвн. Хувцан өмс. Огород талан йовий — дөрвн. (Шотк цокна). Эн мана колхозд юн гидг бääдл болджахмби? Кладовщикнь — залу күн, тоочнь — залу күн, бичг зöөдгнь — залу күн, сельсоветин зарцд йовдгнь — залу күн, сеглätрнь — залу күн. Кеер, огородт болхла цуг күүкд улс. Эн тегäд чикий? Уга, большго. Йовий, огородт одж кöдлий!

ЗАЛУ: Огородт одж кöдлх зöv угав. Мини кöдлмш минь тиим биш — негн, бийм эвго болджана — хойр... (шотк цокна).

ГЕРГН: Чи хуурмгч — негн. Кöдлмш кедж чадхшч — хойр. Залхуч — гурвн. (Шотк цокна).

ЗАЛУ: Цааранднь бичä кел. (Шоткд цоксан хärү цокна). Дакдж эн роличнь, нег дакдж чигн, хойр чигн, гурв чигн, дөрв чигн наадхар седж бääхшвв. Эн рольчнь чиирг залуд сән роль биш.

Тадн, үүрмүд, намла зövшäрдж бääдг болхт.